

Artigo 17º.-Seguridade e custodia.

1. A Administración sanitaria garantirá a seguridade e custodia das receitas electrónicas, así como o acceso do/a farmacéutico/a á información necesaria que precise como prestador/a de servizos sanitarios.

2. O/a farmacéutico/a que queira conservar información do/a paciente deberá contar con autorización expresa del/dela e actuará baixo a súa propia e exclusiva responsabilidade.

3. No referente ao libro receitario oficial, o/a farmacéutico/a non anotará as dispensacións correspondentes ás receitas electrónicas, xa que estarán consolidadas no sistema de receita electrónica e se considera contabilidade complementaria ao libro, que recollerá unicamente a información das receitas en soporte papel.

Artigo 18º.-Confidencialidade.

1. Os/as usuarios/as, baixo a súa responsabilidade, poderán solicitar no momento da prescripción que determinados produtos farmacéuticos prescritos non sexan visibles no momento da dispensación electrónica doutros produtos. Para iso, establécese a posibilidade de que soliciten na consulta a confidencialidade da prescripción, que non será visible para o farmacéutico salvo que se introduza o código de confidencialidade asignado á dita prescripción.

2. A información que se transmite desde as farmacias ao Servizo Galego de Saúde e viceversa viaxará sempre encriptada.

*Disposicións adicionais**Primeira.-Tratamento da información.*

O tratamento, cesión e custodia dos datos consignados na receita electrónica axustaranse ao establecido no artigo 77.8º, segundo parágrafo, da Lei 29/2006, do 26 de xullo, de garantías e uso racional dos medicamentos e produtos sanitarios.

Segunda.-Plan de continxencia.

Coa finalidade de garantir a prestación farmacéutica dos/as usuarios/as do Servizo Galego de Saúde nos casos de que o fallo do sistema de receita electrónica non permitise realizar a dispensación electrónica, defínense os mecanismos de resposta mediante un plan de continxencia establecido para o efecto, que se desenvolverá no prazo dun ano.

Terceira.-Compatibilidade do sistema informático.

O sistema informático permitirá a compatibilidade cos programas de xestión das oficinas de farmacia homologadas e nun futuro con outros sistemas de receita electrónica que se establezan no Sistema Nacional de Saúde.

*Disposición transitoria**Única.-Dispensación noutra comunidade autónoma.*

Cando o/a paciente requira que a dispensación dunha receita lle sexa efectuada fóra da Comunida-

de Autónoma de Galicia, a prescripción realizarase nos modelos oficiais en soporte papel do Sistema Nacional de Saúde, mentres non se implante un sistema de receita electrónica compatible nas restantes comunidades autónomas.

Disposición final

Facúltase á conselleira de Sanidade para ditar cantas disposicións sexan necesarias para o desenvolvemento e execución do previsto neste decreto.

Santiago de Compostela, vinte e oito de agosto de dous mil oito.

Emilio Pérez Touriño
Presidente

María José Rubio Vidal
Conselleira de Sanidade

Orde do 25 de agosto de 2008 pola que se regula o Libro Oficial de Movemento de Biocidas da Comunidade Autónoma de Galicia.

A comercialización e aplicación de biocidas clasificados como tóxicos ou moi tóxicos, está sometida, en virtude do Real decreto 1054/2002, do 11 de outubro, polo que se regula o proceso de avaliación para o rexistro, autorización e comercialización de biocidas, a estar baixo un sistema de control baseado no rexistro de cada operación, coa correspondente referencia do lote de fabricación e o número do Rexistro Oficial de Establecementos e Servizos Biocidas, nun Libro Oficial de Movemento de Biocidas, que será supervisado pola autoridade competente da comunidade autónoma, co obxecto de advertir ao comprador da súa responsabilidade acerca da adecuada manipulación destes produtos, así como de facilitar á Administración a vixilancia e investigacións pertinentes sobre o seu cumprimento.

Coa entrada en vigor da Orde do 26 de maio de 2008 pola que se crea o Rexistro Oficial de Establecementos e Servizos Biocidas, e se establecen as bases para a súa inscrición e o seu funcionamento na Comunidade Autónoma de Galicia, cómpre actualizar a Orde do 9 de abril de 1996 pola que se regula o Libro Oficial de Movemento de Praguicidas Perigosos.

Polo que, ao abeiro do Real decreto 1634/1980, do 31 de xullo, de transferencias de competencias da Administración do Estado á Comunidade Autónoma de Galicia en materia, entre outras de Sanidade, e por proposta da Dirección Xeral de Saúde Pública da Consellería de Sanidade,

*DISPOÑO:**Artigo 1º.-Obxecto.*

1. Pola presente orde regúlase o Libro Oficial de Movemento de Biocidas da Comunidade Autónoma de Galicia, no sucesivo LOMB, como sistema de control dos biocidas moi tóxicos, tóxicos, canceríxenos, mutaxénicos e tóxicos para a reprodución categorías 1 e 2, que se comercialicen ou apliquen en Galicia por establecementos e servizos, autorizados ou recoñecidos nesta comunidade autónoma.

Artigo 2º.-Definición.

O Libro Oficial de Movemento de Biocidas é o soporte físico onde se rexistrarán as operacións de cesión ou adquisición, a título oneroso ou gratuito, dos produtos especificados no artigo 3º desta orde, en cumprimento do disposto no artigo 28 do Real decreto 1054/2002, do 11 de outubro, polo que se regula o proceso de avaliación para o rexistro, autorización e comercialización de biocidas.

Artigo 3º.-Ámbito de aplicación.

1. Están obrigados á tenza do LOMB todos os establecementos e servizos, inscritos no Rexistro Oficial de Establecementos e Servizos Biocidas da Comunidade Autónoma de Galicia, que adquieran, expendan e/ou apliquen biocidas clasificados como moi tóxicos, tóxicos, canceríxenos, mutaxénicos e tóxicos para a reprodución categorías 1 e 2.

Os establecementos e servizos unha vez inscritos no Rexistro Oficial de Establecementos e Servizos Biocidas terán obrigatoriamente que estar en posesión do LOMB antes de iniciar a súa actividade é telo á disposición da autoridade sanitaria.

2. O requisito de anotación no LOMB afecta os biocidas clasificados como moi tóxicos, tóxicos, canceríxenos, mutaxénicos e tóxicos para a reprodución categorías 1 e 2, que estean xa envasados na forma na que se lles subministran aos usuarios, desde o momento da súa primeira cesión no mercado da Comunidade Autónoma de Galicia ata a súa aplicación.

Quedan excluídos da exigencia de anotación no LOMB os desinfectantes de material clínico, farmacéutico ou de ambiente clínico, cirúrxico ou praguicidas de uso na hixiene persoal.

Artigo 4º.-Órganos responsables.

Os órganos responsables, na Comunidade Autónoma de Galicia, da tramitación administrativa do LOMB son as delegacións provinciais da Consellería de Sanidade.

Artigo 5º.-Estrutura do LOMB e instrucións de uso.

1. O LOMB estará composto dun xogo de dúas follas autocopiativas para dilixenciado e por follas

numeradas para anotación de movemento de biocidas coa estrutura que figura no anexo II. O xogo de dúas follas autocopiativas estará composto por unha primeira folla de cor branca e a outra de cor diferente á branca. Para cada operación anotaranse os datos seguintes:

a) Data en que se realiza a adquisición ou cesión do produto.

b) Identificación do biocida, que inclúa nome comercial, número de inscrición no seu correspondente rexistro oficial, número de lote de fabricación, categoría toxicolóxica e cantidade cedida ou adquirida de produto.

c) Identificación do subministrador ou receptor, que inclúa nome, enderezo e número de identificación fiscal (NIF) en caso de que se trate dunha persoa física, ou denominación, domicilio social e código de identificación fiscal (CIF), no caso de que se trate de persoas xurídicas.

d) Sinatura do comprador ou receptor, aceptando a súa responsabilidade na custodia e adecuada manipulación do produto, ou ben número do documento comercial (albará, factura ou recibo), en que se encuentre recollida tal aceptación de responsabilidade de acordo co que se indica no punto seguinte. Nos casos en que o produto sexa retirado do establecemento polo propio comprador ou receptor, a «adeuada manipulación» inclúe tamén o transporte.

2. No caso de venda ao contado, a sinatura do comprador ou receptor dos produtos a que se refire o punto anterior pode ser recollida no albará de entrega do produto ou ben na factura. Para tal efecto, os documentos comerciais utilizados deberán conter os datos especificados nas letras a), b) e c) do punto 1. Sobre o espazo destinado para a sinatura deberá figurar o texto seguinte: «Acepto a custodia e adecuada manipulación dos biocidas descritos neste documento».

3. Cando se trate de aplicadores ou de empresas de tratamentos farase constar a identificación do cliente e o número de contrato ou factura-contrato subscrito con este para cubrir os datos expresados nas letras c) e d) do punto 1.

4. Nos establecementos en que os controis de almacén, de facturación e contabilidade se realicen mediante sistemas informáticos, dos que a súa fiabilidade estea xustificada pola súa utilización para outros fins, a Delegación Provincial da Consellería de Sanidade poderá autorizar a levar as anotacións do LOMB sobre soporte informático tendo prevista unha saída impresa segundo o modelo especificado no anexo II. Neste caso, as follas que se utilicen na impresión estarán numeradas correlativamente e seladas pola Delegación Provincial da Consellería de Sanidade.

Para permitir a súa consulta listaranse mensualmente nos dez primeiros días do mes seguinte do que se trate.

Artigo 6º.-Solicitudes e tramitación.

1. As solicitudes de apertura do LOMB axustaranse ao modelo que figura no anexo I desta orde e presentaranse na Delegación Provincial da Consellería de Sanidade da provincia en que estea situado o establecemento ou onde teña o domicilio social o servizo. Igualmente, poderán presentarse en calquera das formas establecidas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Os servizos técnicos das delegacións provinciais da Consellería de Sanidade, deberán emitir informe sobre as solicitudes de apertura do LOMB.

Artigo 7º.-Apertura.

1. Recibidos os informes mencionados no artigo anterior, o/a delegado/a provincial da Consellería de Sanidade autorizará ou non a apertura do LOMB; posteriormente dilixenciarase o correspondente libro.

2. Na dilixencia de apertura farase constar o nome do solicitante, a denominación e a dirección postal do establecemento ou do servizo, o seu número de inscrición no Rexistro Oficial de Establecementos e Servizos Biocidas e a data de inscrición. Esta dilixencia farase na primeira folla do LOMB, se se trata dun libro de follas numeradas, ou sobre un exemplar do modelo de impreso informatizado.

Artigo 8º.-Cancelación do LOMB.

1. O LOMB, unha vez esgotado ou por cesamento da actividade, cancelarse mediante unha dilixencia que se realizará a continuación do último asento. Nela farase constar o nome do solicitante, o motivo da cancelación e a indicación de que o dito libro, xunto cos correspondentes documentos acreditativos, deberá conservarse á disposición dos servizos oficiais competentes durante un prazo de cinco anos, contado a partir da data de dilixencia.

2. Nos casos en que a cancelación se produza por cambio ou cesamento de actividade, o/a titular do establecemento e/ou do servizo poderá solicitar a custodia do LOMB por parte da Delegación Provincial da Consellería de Sanidade. Da aceptación da dita custodia estenderáselle o oportuno xustificante.

Artigo 9º.-Control.

1. As solicitudes do LOMB deberán archivarase no correspondente expediente de inscrición no Rexistro Oficial de Establecementos e Servizos Biocidas na respectiva delegación provincial.

2. Os servizos técnicos das delegacións provinciais da Consellería de Sanidade, segundo corresponda, controlarán os LOMB autorizados na súa provincia, co fin de comprobar o grao de cumprimento das obrigas que este leva consigo.

3. O LOMB deberá manterse no establecemento ou no servizo, segundo corresponda, á disposición dos servizos oficiais competentes durante un prazo de cinco anos contados a partir da data de dilixencia de cancelación. Este mesmo prazo aplicaráselles aos LOMB que sexan depositados nas delegacións provinciais da Consellería de Sanidade, para a súa custodia.

4. Os albarás de compra ou entrada no establecemento ou servizo dos biocidas sometidos a este sistema de control, así como os documentos comerciais en que estivesen recollidas as sinaturas dos compradores ou receptores, manteranse á disposición dos servizos oficiais competentes, conxuntamente co LOMB, durante un período de cinco anos despois da data en que se emitiran.

Artigo 10º.-Réxime sancionador.

A non posesión do LOMB nos termos marcados nesta orde sancionárase de acordo co previsto no artigo 31 do Real decreto 1054/2002, do 11 de outubro, na Lei xeral de sanidade ou normativa que os substitúan.

Disposición transitoria

Os establecementos e servizos inscritos no Rexistro Oficial de Establecementos e Servizos Praguicidas en virtude da Orde do 8 de abril de 1996, deberán solicitar o Libro Oficial de Movemento de Biocidas para o que disporán dun prazo dun ano contado desde a data de entrada en vigor desta orde.

Disposición derogatoria

Única.-Queda derogada a Orde do 9 de abril de 1996, conxunta das consellerías de Agricultura, Gandarfa e Montes e de Sanidade e Servizos Sociais, pola que se regula o Libro Oficial de Movemento de Praguicidas Perigosos, en todo o que se opoña ao establecido nesta orde.

Disposicións derradeiras

Primeira.-A Dirección Xeral de Saúde Pública da Consellería de Sanidade poderá elaborar cantas disposicións sexan necesarias para o desenvolvemento desta orde.

Segunda.-Esta disposición entrará en vigor o día seguinte ao da súa publicación no *Diario Oficial de Galicia*.

Santiago de Compostela, 25 de agosto de 2008.

María José Rubio Vidal
Conselleira de Sanidade



XUNTA DE GALICIA
CONSELLERÍA DE SANIDAD
Dirección Xeral de Saúde Pública

ANEXO I

PROCEDEMENTO APERTURA DO LIBRO OFICIAL DE MOVEMENTO DE BIOCIDAS	CÓDIGO DO PROCEDEMENTO SA659E	DOCUMENTO SOLICITUDE
---	---	--------------------------------

DATOS DO ESTABLECEMENTO OU SERVIZO

NOME DO ESTABLECEMENTO OU SERVIZO		CIF/NIF	
ENDEREZO		PROVINCIA	
CONCELLO	CÓDIGO POSTAL	TELÉFONO	FAX

DATOS DO/A TITULAR DO ESTABLECEMENTO OU SERVIZO

NOME E APELIDOS / RAZÓN SOCIAL		CIF/NIF	
ENDEREZO		PROVINCIA	
CONCELLO	CÓDIGO POSTAL	TELÉFONO	FAX

Na súa representación:

NOME E APELIDOS	DNI/NIF
-----------------	---------

TIPO DE SOLICITUDE

<input type="checkbox"/> APERTURA	<input type="checkbox"/> REVISIÓN	<input type="checkbox"/> CANCELACIÓN. Neste caso, indicar o motivo
-----------------------------------	-----------------------------------	--

TIPO DE ACTIVIDAD

<input type="checkbox"/> 01 FABRICACIÓN	<input type="checkbox"/> 04 COMERCIALIZACIÓN
<input type="checkbox"/> 02 ENVASADO	<input type="checkbox"/> 05 SERVICIOS DE APLICACIÓN DE BIOCIDAS CORPORATIVOS OU A TERCEIROS
<input type="checkbox"/> 03 ALMACENAMENTO	<input type="checkbox"/> 06 INSTALACIÓN FIXA DE TRATAMENTO

GRUPOS E TIPOS DE BIOCIDAS

GRUPO PRINCIPAL 1	GRUPO PRINCIPAL 2	GRUPO PRINCIPAL 3
<input type="checkbox"/> TIPO DE PRODUTO 2: Desinfectantes <input type="checkbox"/> TIPO DE PRODUTO 4: Desinfectantes para produtos que están en contacto con alimentos <input type="checkbox"/> Outros:	<input type="checkbox"/> TIPO DE PRODUTO 8: Protectores da madeira <input type="checkbox"/> TIPO DE PRODUTO 11: Produtos empregados para a conservación da auga en sistemas de refrixeración mediante o control de organismos nocivos.	<input type="checkbox"/> TIPO DE PRODUTO 14: Rodenticidas <input type="checkbox"/> TIPO DE PRODUTO 18: Insecticidas <input type="checkbox"/> TIPO DE PRODUTO 19: Repelente/Atraente

CATEGORÍA TOXICOLÓGICA MÁXIMA DOS BIOCIDAS

<input type="checkbox"/> TÓXICO	<input type="checkbox"/> MOI TÓXICO	<input type="checkbox"/> CANCERÍXENO
<input type="checkbox"/> MUTAXÉNICO	<input type="checkbox"/> TÓXICO PARA A REPRODUCCIÓN CATEGORÍAS 1 E 2	

LEXISLACIÓN APLICABLE <i>Orde do 25 de agosto de 2008 pola que se regula o Libro Oficial de Movemento de Biocidas da Comunidade Autónoma de Galicia.</i>	(Para cubrir pola Administración) RECIBIDO _____ DATA DE ENTRADA ____/____/____ REVISADO E CONFORME _____ DATA DE EFECTOS ____/____/____ DATA DE SAÍDA ____/____/____	NÚMERO DE EXPEDIENTE _____
SINATURA DO/A SOLICITANTE OU PERSOA QUE O REPRESENTA <i>Lugar e data</i> _____, de _____ de _____		

Delegado/a provincial da Consellería de Sanidade

ANEXO II

Nº DE REGISTRO DO ESTABLECIMENTO OU SERVIZO BIOCIDA

DATA	ADQUISICIÓN (Ad) OU CESIÓN (Cs) DE PRODUTOS				RESPONSABLE DA CUSTODIA E USO (Orde de		
	NOME COMERCIAL	Nº REGISTRO (R) E LOTE (L)	CATEGORÍA TOXICOLÓXICA	CANTIDADE EN kg/l	NOME E ENDEREZO DO SUBMINISTRADOR OU RECEPTOR	Nº DE NIF/CIF	SINATURA DO RECEPTOR OU Nº DE ALBARÁ, RECIBO, ETC.
		(R): <input type="text"/> (L): <input type="text"/>		(Ad): <input type="text"/> (Cs): <input type="text"/>	Nome: <input type="text"/> <input type="text"/>	<input type="text"/>	
		(R): <input type="text"/> (L): <input type="text"/>		(Ad): <input type="text"/> (Cs): <input type="text"/>	Nome: <input type="text"/> <input type="text"/>	<input type="text"/>	
		(R): <input type="text"/> (L): <input type="text"/>		(Ad): <input type="text"/> (Cs): <input type="text"/>	Nome: <input type="text"/> <input type="text"/>	<input type="text"/>	
		(R): <input type="text"/> (L): <input type="text"/>		(Ad): <input type="text"/> (Cs): <input type="text"/>	Nome: <input type="text"/> <input type="text"/>	<input type="text"/>	
		(R): <input type="text"/> (L): <input type="text"/>		(Ad): <input type="text"/> (Cs): <input type="text"/>	Nome: <input type="text"/> <input type="text"/>	<input type="text"/>	

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 19 de agosto de 2008, da Secretaría Xeral de Emigración, pola que se procede á publicación das subvencións concedidas, en virtude da Resolución do 5 de marzo de 2008 pola que se regula a concesión, en réxime de concorrencia competitiva, de subvencións a concellos, mancomunidades de concellos e consorcios locais, para a realización de programas destinados a favorecer os procesos de integración da poboación inmigrante extracomunitaria na Comunidade Autónoma galega durante o ano 2008.

De conformidade co disposto no artigo 15.1º da Lei 9/2007, do 13 de xuño, de subvencións de Galicia e no artigo 10 da Resolución do 5 de marzo de 2008, da Secretaría Xeral de Emigración, pola que se regula a concesión, en réxime de concorrencia competitiva, de subvencións a concellos, mancomunidades de concellos e consorcios locais, para a realización de programas destinados a favorecer os procesos de integración da poboación inmigrante extracomunitaria na Comunidade Autónoma galega durante o ano 2008, procédese á publicación das subvencións concedidas de contía igual ou superior a 3.000 euros.

Finalidade da axuda: as axudas teñen como finalidade a subvención dos gastos correntes que se

lles orixinen aos concellos, mancomunidades de concellos e consorcios locais aos que se lles concede a subvención para a realización dos programas previstos no artigo 5 da Resolución do 5 de marzo.

Norma reguladora: Resolución do 5 de marzo de 2008, pola que se regula a concesión, en réxime de concorrencia competitiva, de subvencións a concellos, mancomunidades de concellos e consorcios locais, para a realización de programas destinados a favorecer os procesos de integración da poboación inmigrante extracomunitaria na Comunidade Autónoma galega durante o ano 2008 (DOG nº 51, do 12 de marzo) e Resolución do 21 de maio de 2008 pola que se amplía a dotación orzamentaria da Resolución do 5 de marzo de 2008 (DOG nº 101, do 27 de maio).

Aplicación orzamentaria: 04.50.312C.460.0 dos orzamentos xerais da comunidade autónoma para o ano 2008.

Crédito orzamentario: 1.203.832 € na aplicación orzamentaria 04.50.312C.460.0.

Entidades locais beneficiarias da subvención cunha contía igual ou superior a 3.000 € e importe da axuda concedida a cada unha delas expresado en euros, por orde alfabética, que figuran no anexo a esta resolución.

Santiago de Compostela, 19 de agosto de 2008.

Manuel Luis Rodríguez González
Secretario xeral de Emigración